



A Coruña      Xuño de 2025  
Referencia:    SRP- MCP Servizo de Xestión de Plans  
Asunto:        Circular sobre aprobación do POS+ 2025 - Plan único de concellos

## **CIRCULAR SOBRE A APROBACIÓN DO PLAN PROVINCIAL DE COOPERACIÓN ÁS OBRAS E SERVIZOS DE COMPETENCIA MUNICIPAL (PLAN ÚNICO DE CONCELLOS) POS + 2025**

O Pleno desta deputación, na sesión ordinaria realizada o 30 de maio de 2025, aprobou o **PLAN PROVINCIAL DE COOPERACIÓN ÁS OBRAS E SERVIZOS DE COMPETENCIA MUNICIPAL (PLAN ÚNICO DE CONCELLOS) POS+ 2025** no marco das súas Bases reguladoras, aprobadas polo Pleno desta deputación na sesión realizada o 29 de novembro de 2024 e publicadas no Boletín Oficial da Provincia (BOP) número 233 do 3 de decembro de 2024, en relación co acordo plenario do 31 de xaneiro do 2025 polo que se desestimou unha alegación presentada, quedando definitivamente aprobadas as Bases.

O acordo de aprobación do POS+ 2025 vaise someter a exposición pública mediante a publicación nos próximos días dun anuncio no Boletín Oficial da Provincia (BOP) e tamén vaise enviar a informe da Administración Estatal e Autonómica, para que durante un prazo de 10 días poidan presentarse as alegacións ou reclamacións que se estimen convenientes. Ademais, o acordo de aprobación do Plan quedou condicionado á entrada en vigor do Expediente de modificación de créditos (EMC) 2/2025, aprobado inicialmente na mesma sesión que o POS+ 2025, que tamén se vai someter a exposición e información pública. Rematado o prazo de exposición e información pública do Plan e logo da entrada en vigor do EMC 2/2025, enviaráselle a ese concello unha circular complementaria comunicándolle o seu resultado e, de ser o caso, a aprobación definitiva do POS+ 2025.

O Estado non realizou ningunha achega para o financiamento deste Plan, polo que esta deputación asumiu o seu importe, de modo que cofinanciábase soamente entre a deputación e os concellos que voluntariamente decidiron facer achegas aos investimentos incluídos nel.

Todos os trámites deste Plan faranse de xeito telemático a través da plataforma SUBTEL da páxina web desta deputación [www.dacoruna.gal](http://www.dacoruna.gal).

De acordo co previsto nas súas Bases reguladoras, o Plan estrutúrase en dous tipos de achegas provinciais (achega provincial 2025 e achega provincial 2024) e 2 tipos de obxectos (gastos correntes dos concellos e obras e subministracións).

No ANEXO a esta Circular detállanse os obxectos solicitados por ese concello que foron incluídos no POS+ 2025, financiados con cargo a un dos dous tipos de achega provincial asignada a cada concello con criterios obxectivos.

Debe terse en conta que **nalgúns casos os obxectos aprobados están sometidos a algunha condición suspensiva especificamente sinalada** e o concello deberá presentar a través da plataforma SUBTEL, como documentación adicional, a xustificación do seu cumprimento, para que esta deputación poida declarar cumpridas as condicións e continuar coa súa tramitación.

Esta Circular contempla en distintos apartados os dous obxectos posibles do POS+ 2025, que serán aplicables aos concellos nos apartados que lle correspondan, segundo os obxectos solicitados e incluídos no POS+ 2025.



## I.- POS+ 2025 GASTO CORRENTE

No ANEXO a esta Circular indícase o importe da achega provincial que ese concello aplica ao financiamento dos seus gastos correntes do exercicio 2025.

Logo da aprobación definitiva do Plan, esta deputación **transferiralle aos concellos** incluídos neste apartado, **previsiblemente no mes de xullo de 2025**, con carácter prepagable, as cantidades aplicadas ao financiamento dos seus gastos correntes, sempre que teñan xustificado o importe percibido por este mesmo obxecto no POS+2024 e os seus Plans Adicionais.

De acordo co previsto na Base 9.1 das reguladoras do Plan, unha vez que o concello realice o pago destes gastos correntes, deberá presentar telematicamente nesta deputación, **ata o 31 de marzo de 2026, un informe xustificativo dos pagos realizados**, asinado pola Intervención ou Secretaría-Intervención, ou por quen corresponda nos municipios de gran poboación, no que se detallen, por unha banda, os pagos realizados e, por outra, os dereitos recoñecidos por ingresos vinculados á prestación do servizo correspondente (taxas, prezos públicos ou outros ingresos públicos ou privados), coa finalidade de cuantificar o gasto realmente asumido polo concello financiado con cargo ao POS+ 2025, e por último a cantidade transferida pola deputación que o concello aplicou concretamente para financiar cada servizo público obrigatorio, segundo o modelo que figura como Anexo IV. Excepcionalmente, e á solicitude do concello, poderá ampliarse o dito prazo de xustificación mediante Resolución da Presidencia.

O importe dos pagos xustificados deberá **concentrarse en dous servizos obrigatorios**, coa mesma excepción que a indicada para a solicitude no cuarto parágrafo da base 5.B.1, e deberá axustarse ao importe da subvención provincial recibida.

No caso de que o importe dos pagos xustificados sexa inferior ao importe da achega da deputación transferida ao concello, ou no suposto de que o concello non presente a documentación xustificativa no prazo sinalado, iniciarase un procedemento de reintegro da cantidade que corresponda, segundo o procedemento previsto no artigo 70.3 do Real decreto 887/2006.

### **NOTA PARA OS CONCELLOS QUE FINANCIAN O GASTO CORRENTE DO ANO 2025 CON CARGO AO POS+2025 BASE E TAMÉN CON CARGO AO POS+ ADICIONAL 3/2025**

Os concellos que financian os seus gastos correntes do exercicio 2025 tanto con cargo ao POS+2025 Base como con cargo ao POS+Adicional 3/2025 deben realizar de forma coordinada as xustificacións nos correspondentes expedientes, POS+gastocorrente 2025 e POS+Adicional 3/2025-gastocorrente, coa finalidade de que quede xustificada a totalidade da achega provincial transferida con carácter prepagable en ambos Plans.

No caso de que o Anexo IV inclúa gastos correntes financiados polo concello por un importe superior á suma das achegas financiadas con cargo ao POS 2025 Base e ao POS+ Adicional 3/2025, o Anexo IV poderá ser o mesmo e deberá subirse como xustificación en ambas convocatorias. No caso contrario, deberá subirse un Anexo IV para cada convocatoria que contemple obxectos distintos para cada unha delas ata alcanzar a achega provincial transferida ao concello en cada convocatoria.

## II.- POS+ 2025 OBRAS E SUBMINISTRACIÓNS

No ANEXO a esta Circular detállanse as obras e subministracións solicitadas por ese concello, agrupadas segundo se financien con cargo á achega provincial 2025 ou á achega provincial 2024.

**Nalgúns casos a aprobación definitiva dalgunhas obras ou subministracións incluídas no POS+ 2025 está condicionada ao cumprimento das condicións que se indican, e nestes casos, o concello non poderá iniciar o correspondente expediente para a súa adxudicación.** Cando estea cumprida a condición, o concello deberá presentar nesta deputación a documentación xustificativa do seu cumprimento coa finalidade de que se poida declarar cumprida a condición e, en consecuencia, aprobar definitivamente a obra ou subministración **no POS+ 2025**.



É importante destacar que o proxecto que debe adxudicarse é o derradeiro proxecto aprobado polo concello, que é o incluído no Plan, polo que **debe prestarse especial atención cando o proxecto foi obxecto de correccións ou modificacións.**

Na Base 7 das reguladoras do Plan establécese que os concellos contratarán os investimentos de acordo coa citada Lei 9/2017 de contratos do sector público mediante procedemento "aberto", procedemento "aberto simplificado", ou procedemento "simplificadísimo ou simplificado abreviado", utilizando os pregos-tipo de cláusulas administrativas particulares aprobados expresamente por esta deputación. O concello deberá cubrir en cada expediente o correspondente cadro de características do contrato. O incumprimento das condicións da delegación da contratación implicará a perda da achega da deputación ao investimento correspondente, aínda que a achega provincial poderá reinvestirse a través dun Plan dun exercicio posterior.

PROCEDEMENTO	
<b>Procedemento ABERTO</b>	Adxudicación cun único criterio de adxudicación <b>FACTOR PREZO</b>
<b>Procedemento ABERTO</b>	Pluralidade de criterios de adxudicación, con aplicación de <b>XUIZOS DE VALOR</b> e criterios de apreciación <b>AUTOMÁTICA</b>
<b>Procedemento ABERTO SIMPLIFICADO</b>	Pluralidade de criterios de adxudicación, con aplicación de <b>XUIZOS DE VALOR</b> e criterios de apreciación <b>AUTOMÁTICA</b>
<b>Procedemento ABERTO SIMPLIFICADO</b>	Criterios de apreciación <b>AUTOMÁTICA</b> ou mediante <b>FÓRMULAS</b>
<b>Procedemento ABERTO SIMPLIFICADÍSIMO (SIMPLIFICADO ABREVIADO)</b>	Criterios de apreciación <b>AUTOMÁTICA</b> ou mediante <b>FÓRMULAS</b>

Excepcionalmente, as obras poderán executarse **pola propia Administración** de acordo co establecido no artigo 30 da citada Lei 9/ 2017.

O **contrato menor** só poderá utilizarse para a adxudicación das obras de acordo co previsto no apartado 2 desta base.

Se no momento do inicio da licitación fora outra a lexislación vixente en materia de contratación pública, estarase ao disposto expresamente nela.

O **incumprimento das condicións da delegación da contratación** dos investimentos nos termos indicados na base 7 implicará a perda da achega da deputación ao investimento correspondente, aínda que a achega provincial poderá reinvestirse a través dun Plan dun exercicio posterior.

Lémbrolle que cada investimento debe ser adxudicado **a un único licitador, sen posibilidade de división en lotes**, de acordo co establecido no parágrafo 6 da Base 2.2 e de acordo co contido dos Anexos V e IX xa presentados por ese concello para cada investimento.

**As baixas** que se produzan na adxudicación dos investimentos destinaranse a minorar a achega municipal se existira ata anular, se fose posible, a dita achega. O resto da baixa destinarase a minorar a achega provincial na correspondente actuación e poderá reinvestirse no concello mediante a realización de novos investimentos financeiramente sostibles a través do POS+ dun exercicio posterior, xunto con outros remanentes que se puideran producir nos outros obxectos incluídos neste Plan.

No caso de investimentos de abastecemento municipal de auga potable, cando o IVE soportado sexa deducible, a contía do **IVE deducible** a prezo de adxudicación virá indicada no Anexo XIV que remitirá o concello, informado pola secretaría municipal, logo de aplicarlle ao IVE deducible a prezo de contrata reflectido no Anexo X b), a porcentaxe de baixa producida e o resto da baixa imputarase en primeiro lugar á achega do concello e posteriormente á achega provincial do xeito indicado no apartado anterior.



En canto ao **prazo para adxudicar as obras ou subministracións**, os concellos poderán adxudicalos ata o **30 de novembro de 2025**. Non obstante, este prazo **poderá ser prorrogado** mediante Resolución da Presidencia, de oficio ou previa solicitude motivada dos concellos, cando concorran causas que así o xustifiquen, tendo en conta os prazos de execución previstos na base 8.

De conformidade co sinalado na base 8, **todos os investimentos deberán estar rematados o 30 de novembro de 2026**. Non obstante, este prazo poderá ser prorrogado mediante Resolución da Presidencia, de oficio ou previa solicitude motivada dos concellos, cando concorran causas que así o xustifiquen. Neste caso, o prazo máximo para a execución dos investimentos remata o **30 de novembro de 2027**.

Non obstante, este prazo poderá prorrogarse ata o **30 de novembro de 2028** para o caso daqueles investimentos que o 30 de novembro de 2027 estean aínda pendentes de rematar por causas non imputables ao concello, sempre que na dita data xa estivera iniciada a súa execución. Tamén se poderá prorrogar o prazo máximo de execución ata o 30 de novembro de 2028 naqueles investimentos nos que, aínda que non teñan iniciada a súa execución o 30 de novembro de 2027, estean condicionados á obtención de permisos doutras Administracións.

Unha vez adxudicados os investimentos, o concello deberá presentar nesta deputación, a través da plataforma de tramitación telemática de SUBTEL, a documentación xustificativa da **adxudicación** realizada, segundo se detalla na dita plataforma.

Polo que se refire á execución das obras ou subministracións, a Base 8 destaca que os investimentos executáranse polos respectivos concellos con arranxo ao proxecto técnico da obra ou ao prego de prescricións técnicas da subministración.

Se para a execución dos investimentos xorde a necesidade de modificar o proxecto da obra, o concello deberá tramitar o correspondente expediente de acordo co establecido na citada Lei 9/2017, e redactar un **proxecto modificado** que deberá ser aprobado polo concello e pola deputación. Se o investimento xa está adxudicado, deberá dárselle audiencia ao contratista adxudicatario e realizarse os demais trámites legalmente previstos, debendo achegarse o informe favorable da Secretaría municipal. Se o proxecto modificado experimenta un incremento do seu orzamento, deberá asumilo integramente o concello e achegar un informe favorable da Intervención do concello.

Calquera outro incremento que se derive da execución da obra, como liquidacións por excesos de medicións que non requiran un proxecto modificado, deberá tamén ser financiado integramente polo concello e certificarse de forma separada do resto do proxecto, sen que sexa necesaria a súa presentación nesta deputación por corresponderlle ao concello o seu financiamento.

O pago ao concello do importe da achega provincial, realizarase á vista das certificacións de execución das obras ou facturas das subministracións, aprobadas polo órgano municipal competente, que o concello presente nesta deputación, xunto co resto da documentación que se require na plataforma de tramitación telemática provincial SUBTEL, empregando os modelos establecidos.

## **ESPECIAL MENCIÓN Á UTILIZACIÓN DO CONTRATO MENOR**

**No POS+2025** continúaase coa posibilidade de utilizar en determinados supostos o contrato menor na adxudicación das obras incluídas neste Plan, o que se regula na Base 7.2 e no penúltimo parágrafo da Base 8, segundo se transcribe de seguido:

### **“Base 7. 2.- Utilización do contrato menor na adxudicación das obras**

*Unicamente poderán adxudicarse utilizando o contrato menor as obras (non as subministracións) incluídas no POS+ 2025, cando o seu valor estimado sexa inferior a 40.000 euros (IVE excluído), e inferior a 48.400.00 € ( IVE incluído), e cun prazo de execución non superior a un ano que non poderá prorrogarse*

A selección do contratista, segundo o orzamento do proxecto das obras, realizarase do seguinte modo:

Valor estimado	Entre 24.794 e inferior a 34.000 € (IVE excluído)	Consulta polo menos a 3 empresas / ou Publicación dun anuncio na Plataforma de Contratación
Orzamento de contrata	Entre 30.000 e inferior a 41.140 € (IVE incluído)	
Valor estimado	Entre 34.000 e inferior a 40.000,00 € (IVE excluído)	Publicación dun anuncio na Plataforma de Contratación
Orzamento de contrata	Entre 41.140 e inferior a 48.400,00 € (IVE incluído)	

Os concellos deben presentar nesta deputación a seguinte documentación:

- *Proposta para realizar a adxudicación da obra mediante contrato menor, autorizada pola Alcaldía ou concellería delegada, de acordo co previsto no artigo 118 da citada Lei 9/2017, na que figuren, entre outros, os seguintes datos:*
  - *Denominación, orzamento e prazo de execución*
  - *As tres empresas ás que se vai facer a consulta, ou a indicación de que se vai publicar un anuncio na Plataforma de Contratación*
  - *Prazo e forma de presentación de ofertas*
  - *Criterios de adxudicación coa súa ponderación, debendo ser sempre un deles o prezo.*
- *Certificado de existencia de crédito ou documento contable RC*
- *Resolución de adxudicación na que motivadamente se recollan os datos da empresa adxudicataria e o prezo de adxudicación.*

*Nos demais aspectos será de aplicación o previsto nas Bases reguladoras do POS+ 2025, especialmente no relativo á presentación xunto coa solicitude do proxecto técnico e os informes requiridos nas Bases, e á xustificación mediante certificacións de execución das obras aprobadas polo concello.”*

“**Base 8, último parágrafo** (Execución dos investimentos)

Non obstante, **cando se trate de obras adxudicadas mediante contrato menor, o prazo de execución será como máximo dun ano desde a data da súa adxudicación e non poderán ser obxecto de prórroga**, o que se controlará tanto desde o concello como por esta deputación, de conformidade co disposto no artigo 29.8 da citada Lei 9/2017. A documentación xustificativa da súa execución deberá presentarse nesta deputación no prazo de dous meses contados desde o día seguinte ao da acta de recepción, coa finalidade de facilitar o seu seguimento e control por esta deputación, dada a brevidade e simplificación administrativa deste procedemento.”

### III.- POS+ 2025 PLAN COMPLEMENTARIO

O acordo plenario do 30 de maio de 2025 aprobou tamén o Plan Complementario ao POS+2025, no que se inclúen os investimentos solicitados por ese concello neste apartado. Estes investimentos teñen natureza de reserva coa finalidade de poder investir en cada concello os créditos procedentes dunha maior achega provincial a este Plan que xa foi aprobada e que se comunica a ese concello mediante a correspondente Circular do POS+Adicional 2/2025, na que se indica a cantidade asignada así como a finalidade á que se pode destinar, de conformidade co previsto nas bases do Plan.

#### **IV.-PUBLICIDADE E COMUNICACIÓN POLOS CONCELLOS DO FINANCIAMENTO DO POS+**

Transcríbese a continuación a cláusula 10 relativa a obriga dos concellos de comunicación e publicidade do financiamento do POS+:

*"Os concellos deberán dar publicidade ao financiamento recibido desta deputación a través do POS+ segundo se indica a continuación, de acordo coas instrucións de execución que se lles enviarán e as que figuren na plataforma Subtel, utilizando os logotipos e modelos de identidade corporativa que se lles facilitarán aos concellos por esta deputación. Deberá acreditarse o cumprimento destas obrigas cando presenten os documentos xustificativos dos distintos obxectos do Plan.*

*Na páxina de inicio da **web oficial do concello** incluírase un **logotipo ou cartel do POS+**, que terá que enlazar cunha páxina onde se detallen os investimentos, gastos correntes ou outros obxectos aprobados en cada Plan.*

*Se o concello solicitou financiamento para os seus **gastos correntes**, no caso de aplicar a achega provincial para os gastos de persoal directamente adscrito ao servizo, deberá figurar na súa roupa de traballo o logotipo da deputación, e se non se utiliza roupa específica de traballo, deberá colocarse un cartel ou logotipo nalgún lugar visible da súa área de traballo.*

*Se o concello solicitou financiamento para realizar **obras**, segundo se indica na base 9.2, desde o inicio das obras ata a súa recepción deberase colocar o **cartel oficial** debidamente cuberto, o que se acreditará mediante o envío de dúas fotografías, unha do propio cartel e o outra do cartel da obra e a súa contorna, sendo este requisito indispensable para que esta deputación lle transfira ao concello o importe da achega provincial ao Plan. Esta documentación acompañarase á primeira certificación de execución das obras*

*Cando se trate de obras en edificios, cando estean rematadas, deberá colocarse unha **placa** na que se indique o financiamento da deputación. Igualmente, cando se trate de vehículos ou maquinaria adquiridos con cargo ao POS+, deberán rotularse co logotipo da deputación. O concello deberá presentar xunto coa documentación xustificativa unha fotografía para acreditar o cumprimento desta obriga. En xeral, os investimentos financiados con cargo ao Plan, estarán a disposición da deputación para a súa visita ou inauguración."*

**POS + 2025**

PLAN PROVINCIAL DE COOPERACIÓN ÁS OBRAS E SERVIZOS DE COMPETENCIA MUNICIPAL  
 PLAN ÚNICO DE CONCELLOS  
**CONCELLO DE SADA**

1.- GASTOS CORRENTES			2.-INVESTIMENTOS			TOTAIS		
ACHEGA PROVINCIAL 2025	ACHEGA PROVINCIAL 2024	TOTAL GASTOS CORRENTES	ACHEGA PROVINCIAL 2025	ACHEGA PROVINCIAL 2024	TOTAL INVESTIMENTOS	ACHEGA PROVINCIAL 2025	ACHEGA PROVINCIAL 2024	TOTAL
414.778,89	256.204,27	670.983,16	0,00	146.375,24	146.375,24	414.778,89	402.579,51	817.358,40

	ACHEGA PROVINCIAL 2025	ACHEGA PROVINCIAL 2024	TOTAL
Asignado	414.778,89	402.579,51	817.358,40
Consumido	414.778,89	402.579,51	817.358,40

P. COMPLEMENTARIO	
Mínimo 25% da achega 2025	103.694,72
Presentado	235.337,68

CONCELLO	GASTOS CORRENTES		
	ACHEGA PROVINCIAL 2025	ACHEGA PROVINCIAL 2024	TOTAL GASTOS CORRENTES
SADA	414.778,89	256.204,27	670.983,16

**POS + 2025**  
**PLAN PROVINCIAL DE COOPERACIÓN ÁS OBRAS E SERVIZOS DE COMPETENCIA MUNICIPAL**  
**PLAN ÚNICO DE CONCELLOS**  
**CONCELLO DE SADA**

ACHEGA PROVINCIAL 2024	CONCELLO	CÓDIGO DE OBRA	DENOMINACIÓN	DEPUTACIÓN	ACHEGA MUNICIPAL	IVE DEDUCIBLE	TOTAL CONCELLO	TOTAL	CONDICIÓN
	<b>SADA</b>	2025.2000.0283.0	Reparación das pistas deportivas (CEIP Pedro Barrié)	146.375,24	0,00	0,00	0,00	146.375,24	Supervisión favorable do proxecto corrixido e aprobación polo concello
		<b>TOTAL</b>	146.375,24	0,00	0,00	0,00	146.375,24		

<b>PLAN COMPLEMENTARIO</b>					
CONCELLO	DENOMINACIÓN	ORZAMENTO	IVE DEDUCIBLE	ORZAMENTO SUBVENCIONABLE	CONDICIÓN
<b>SADA</b>	Aparcadoiro en As Brañas, Sada	235.337,68	0,00	235.337,68	Supervisión favorable do proxecto Acreditación da dispoñibilidade dos terreos
	<b>TOTAL</b>	<b>235.337,68</b>	<b>0,00</b>	<b>235.337,68</b>	